



TOSHKENT DAVLAT YURIDIK UNIVERSITETI REKTORINING B U Y R U G ' I

11.07.2024

118-um-son

Toshkent davlat yuridik universiteti ehtiyojlari uchun xarid qilinayotgan tovarlarni buyurtmaga muvofiqligini ta'minlash yuzasidan qabul qilish komissiyasi tarkibini tuzish haqida

Budjet tashkilotlarida buxgalteriya hisobi to'g'risidagi Yo'riqnoma (ro'yxat raqami 2169, 22.12.2010-y.) ijrosini ta'minlash va manfaatlar to'qnashuvini oldini olish hamda universitet ehtiyojlari uchun xarid qilinayotgan tovar (ish, xizmat)larni buyurtmaga muvofiqligini ta'minlash maqsadida

B U Y U R A M A N:

1. Toshkent davlat yuridik universitetining moddiy-texnik bazasini rivojlantirish uchun xarid qilinayotgan tovarlarni buyurtmaga muvofiqligini ta'minlash maqsadida Universitet ehtiyojlari uchun xarid qilinayotgan tovarlarni qabul qilish Komissiyasi tarkibi ilovaga muvofiq tasdiqlansin.

Ish va xizmatlar shartnoma shartlariga muvofiq tegishli mas'ullar tomonidan qabul qilinsin.

2. Universitet ehtiyojlari uchun xarid qilinayotgan tovarlarni qabul qilish Komissiyasi (keyingi o'rinlarda – Komissiya)ning asosiy vazifalari etib quyidagilar belgilansin:

Universitet tomonidan xarid qilinayotgan barcha tovarlarni shartnoma shartlariga muvofiqligini tekshirish;

yetkazib berilgan tovarlarni sifati, assortimenti va navi bo'yicha standartlar, texnik shartlar, namunalarga (etalonlarga) va qonun hujjatlarida yoki shartnomada belgilangan boshqa majburiy shartlarga mos kelishini nazorat qilish;

yetkazib berilgan tovarlarni sifati, assortimenti va navi bo'yicha standartlar, texnik shartlar, namunalarga (etalonlarga) va qonun hujjatlarida yoki shartnomada belgilangan boshqa majburiy shartlarga mos kelmagan taqdirda nuqson dalolatnomasini tuzish va bu haqda rahbariyatni hamda yetkazib beruvchini xabardor qilish.

3. Komissiya raisi quyidagi vakolatlarga ega ekanligi belgilansin:

xarid predmetidan kelib chiqqan holda tarkibiy bo'linma mas'ul xodimlarini

va boshqa shaxslarni mutaxassis sifatida jalb qilish;

Komissiya tomonidan tuzilgan nuqson dalolatnomasiga asosan shartnoma shartlaridan kelib chiqqan holda tegishli choralar ko‘rilishini ta‘minlash;

ish zarurati yuzasidan universitet rahbariyati va tarkibiy bo‘linma rahbarlariga murojaat qilish.

4. Toshkent davlat yuridik universiteti rektorining 2020-yil 4-noyabrdagi 08-213-son buyrug‘i va 2022-yil 11-fevraldagi 24 um-son buyrug‘i o‘z kuchini yo‘qotgan deb hisoblansin.

5. Mazkur buyruq ijrosini nazorat qilish moliya-iqtisod ishlari bo‘yicha prorektor A.Iminov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Bosh buxgalter

M.PARPIYEV



Kelishildi:

Moliya-iqtisod ishlar bo'yicha
prorektor

A.IMINOV



Katta yuriskonsult

A.TURSUNOV



Boshqarma boshlig'i

A.XUNDIBAYEV



Professor (fan doktori yoki fan
doktori (Doctor of Science) ilmiy
darajasiga yoki xorijiy davlatlarning
unga tenglashtirilgan boshqa ilmiy
darajalarga va professor ilmiy
unvoniga ega bo'lgan))

M.O'RAZALIYEV



Toshkent davlat yuridik
universiteti rektorining
2024-yil 11-iyundagi
118-um-son buyrug'iga
ILOV

**Universitet ehtiyojlari uchun xarid qilinayotgan tovarlarni qabul qilish
Komissiyasi
TARKIBI**

- M.O'razaliyev - Universitet kasaba uyushmasi raisi, komissiya raisi;
- A.Xundiboyev - Iqtisodiy rivojlanish va ta'minot boshqarmasi boshlig'i
komissiya a'zosi;
- D.Duskobilov - Qurilish va ta'mirlash bo'limi bosh muhandisi, komissiya
a'zosi;
- A.Axmuratov - Bosh buxgalter o'rinbosari, komissiya a'zosi;
- N.Muxtorov - Elektron universitet bo'limi tarmoq administratori,
komissiya a'zosi;
- J.Erkinov - Ta'minot bo'limi katta tovarshunosi, komissiya kotibi.

Izoh: Komissiya a'zolari va kotib boshqa ishga o'tgan yoki hozir bo'lmagan taqdirda, ularning o'rniga ushbu lavozimlarga yangidan tayinlangan yoki zimmasiga tegishli funksiyalarni bajarish yuklangan shaxslar kiritiladi. Komissiya a'zolarining uchdan ikki qismi mavjud bo'lganda Komissiya vakolatli hisoblanadi.

xarid qilinayotgan tovarlar (ishlar, xizmatlar)ning xususiyatlarini hisobga olgan holda ayni bir xarid uchun tegishli xodim jalb etilishi mumkin va ular komissiya a'zosi hisoblanmaydi.